

Jejas aspek reproduktif dorong wujud negara tua

→ Masalah perlu diberi perhatian serius demi generasi akan datang

Oleh Sophia Ahmad
sophia@bh.com.my

Kuala Lumpur

Gejala berkahwin lewat boleh menyumbang kepada faktor kewujudan negara tua.

Ini berikutan ia memberi kesan kepada aspek reproduktif yang menyaksikan pembentukan keluarga semakin meninggil dan kadar kelahiran se-

makin menurun.

Ketua Jabatan Pembangunan Manusia dan Pengajian Keluarga, Universiti Putra Malaysia (UPM), Dr Zainal Madon, berkata negara tua membawa kepada kehilangan tenaga muda yang produktif dan menambah jumlah warga tua.

"Masalah ini walaupun berlaku secara global, ia masih memerlukan perhatian serius di Malaysia kerana sedikit sebanyak memberi kesan kepada generasi akan datang.

Kehabisan warga dewasa

"Negara mungkin kehabisan warga dewasa dan yang tinggal hanyalah generasi yang belum matang untuk mentadbir negara," katanya kepada BH ketika dihubungi semalam.

Dr Zainal diminta mengulas laporan BH semalam mengenai kajian Lembaga Penduduk

dan Pembangunan Keluarga (LPPKN) yang mendapati 35.7 peratus wanita di negara ini masih membujang kerana terlalu memilih pasangan manakala 56 peratus lelaki pula tidak berkahwin kerana masalah kewangan.

Dr Zainal berkata, alasan itu selari dengan senario semasa negara iaitu pertambahan jumlah wanita yang berkelulusan tinggi berbanding dulu.

"Apabila wanita terpelajar, mereka agak berdikari dan mahuhan yang terbaik.

"Mereka juga kurang rasa tekanan kerana ramai rakan sebaya juga belum berkahwin," katanya.

Peguam Syarie, Dr Tengku Naufal Tengku Mansor, pula berkata sifat memilih adalah biasa untuk kaum wanita khususnya dalam membuat keputusan besar seperti isu pasa-

ngan hidup selain ia dituntut oleh agama.

Lelaki perlu persiap diri

Tengku Naufal berkata golongan lelaki wajar mempersiapkan diri dengan baik secara fizikal, emosi dan aspek kewangan sebelum membuat keputusan untuk bernikah.

"Namun perlu diingat, ia bukan menjadi syarat utama dalam pernikahan Islam, malah kita perlu berlapang dada dan bersangka baik kepada Allah SWT, tidak mungkin hamba-Nya akan melarat ke miskinan dan memakan batu akibat memuliakan sunnah nabi, Nabi Muhammad SWT," katanya.

Kajian juga jelas beliau, menunjukkan lelaki yang telah bernikah memiliki pendapatan lebih stabil berbanding sebelum bernikah.